




150.5—Eskimo

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
QUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY  
AND DEVELOPMENT OF THE  
PEOPLE REPRESENTED BY THE  
ABOVE CHIEFS AND WISE MEN  
THIS COLLECTION HAS BEEN  
GATHERED BY THEIR FRIEND  
EDWARD EVERETT AYER

AND PRESENTED BY HIM  
TO  
THE NEWBERRY LIBRARY  
1911











421  
E 714 (R)  
JS  
1839



New to us  
No. 8 of Glitsch's list.  
Sabrador.



*John Henry*

# JESUSIB KRISTUSIB

AJOCHERTUTINGITA

PIJARIAKARNERPANGONINGIT

KATTERSIMMAJUT ATTOREKSAUKOVLUGIT

SORRUTSIT INNUOSUKTULLO AJOCHERTORTAUVINGÆNNE  
KATTANGUTIGET OKPERTUT ILLAGENGNINGINE.

---

A SUMMARY  
OF  
CHRISTIAN DOCTRINE.

---

LONDONIB:

PRINTED FOR THE SOCIETY FOR THE FURTHERANCE  
OF THE GOSPEL.

1839.

CHRISTIAN DOCTRINE

AND HISTORY

OF THE

NEW TESTAMENT

BY

A. A. A. A.

CHRISTIAN DOCTRINE





## AJOCHERTUTSIT TAPKOA TUKKINGIT.

---

Issumaksarsiorutikset sivurlerpæt.

Aglangnik heiligenik okâlajut.

- I. Gudemik, tapsoma illunanêninganik, illinganing aniglo pinniarninginniglo.
- II. Innub pingortitaukârninget illinganinganik, katteksimmaninganiglo.
- III. Innuit kittorngarêt ajortoliksojut piulijauninginnik.
- IV. Atatamik, Ernermiglo, Annernermiglo heiligemik.
- V. Pilloriktitaunermik okpernermut Kristussemut.
- VI. Okpernerub pinniarutauninginik, ubvalo ivsornailinermik.
- VII. Gudib perkojanganik.
- VIII. Jesusib Kristusib illagêktokotinginik, ubvalo okpertokotingita illagêngninginik.

- IX. Baptijumik heiligemik.
- X. Kommunionemik heiligemik.
- XI. Okpertut tokkoningænik angerarningæniglo  
Nalekamut.
- XII. Jesusib tikkipsalarninganik tokkungajut mak-  
kiviksangænut, sillaksoarmiullo erkartortau-  
viksangænut.
- XIII. Pilloringnartoksoarmik nungusuitomik kuvian-  
artovingme, anianartoksoarmiglo nungusuito-  
mik, sillaksublo nâninganik.



# ISSUMAKSARSIORUTIKSET SIVURLERPÆT.

## AGLANGNIK HEILIGENIK OKALAJUT.

---

1. Aglait heiligit (Bibelemik taijaujut, Gudib okausinginiglone) tapkoa Testamentetokab Testamentetablo nelliuninginut illingavut (Angersimmanerub aglangit nelliunerme itsaksoarme nutamelo). Ebr. i. 1. 2.

2. Testamentetab aglangit unipkautsinik Jesuse Kristusemik, tapsoma ajochertutinginiglo piluartomik okalavut, tamakkonunalo ajochertortauniptingnik Gudemut pilloriktitaukovluta issokangitomut. Joh. xvii. 3.

3. Testamentetab aglangit Apostelinut Jesusib illinniartinginullonêt aglaktaumavut, Annerneruble heiligub kajungersaininganut aulatsininganullo ikkajorninganullo aglalaukpeit. Tapkonang et tellimait anipkautsinik okalavut, 21 git Apostelit ajochertutinginik, attautsille nellautainartunik okalavut. Joh. xiv. 26. 1 Kor. ii. 13. Ebr. ii. 3. 4.

4. Testamentetokab aglangit Gudib okausinginik Jesusib innulerviet sivorngane Profetinut (Nellautaijunut) okautigijaujunik Israelemiunnut okalavut, Israelemiullo piniarnerilauktanginik, tamakkoalotauk Gudib Annerninget kajungersaininganut aglaktaumavut ajochertortauviksakarkovluta. Tapkonang 17 unipkautsinnik okalavut, tellimait ajochertutsinnik, 16 lo nellautainartunnik okalavut. Rom. xv. 4. 2 Petr. i. 21. 2 Tim. iii. 16.

---

### I. *Gudemik tapsoma illunanéninganik, illinganiganiglo piniarniganiglo.*

1. Gudekangmet attautsemik (Gudib illunanêninga) tamanna kaujijaungmet innungnut illunainut, aglangne

heiligene okautigijauvok. Ebr. ii. 6. Rom. i. 19, 20. Ebr. iii. 4. Img. xiv. 1.

2. Gude nangminermine Annerniovok, idluar ner-pângovorle tamainit. Joh. iv. 24.

Illinganingit imaiput:

*a. b.* Naggatekangilak sokkosijuitovorlo. Img. xc. 2. Img. cii. 27, 28.

*c. d.* Illunanepok, tamaitaksoarniglo kaujimmajotovok. (Img. xvi. 10.) Img. cxxxix. 7—10. (Apost. pin. xvii. 27, 28.) Img. cxxxix. 1—4. (Jer. xxiii. 23, 24.) Nalegak okarpok: Uvanga Gudeungilanga kannidlunga? Gudeungilangalo ungasiktome? Issumavit nelliellonet taimak ijerartorungnarasugællugo tækkojaujomanane uvamnut? Nælegak okarpok: Tamnaungilanga, kil-langmik nunamiglo tættætitsijak?

Nalegak okarpok: Innuk tautukpok kallinetuinar-mik, Nalekable omæt tautukpa. 1 Sam. xvi. 7.

*e. f.* Ajugakangitotovok sillatojotolarmelo. Img. cxxxv. 6. Img. xxxiii. 9. 1 Mos. i. 3. Img. civ. 24. 1 Mos. i. 31. Jes. xxviii. 29.

*g. h.* Heiligeovok idluartotolarmelo. 1 Petr. i. 16.

Tapsoma piniarningit pillartaunangitotovut; piniar-nerijangit illunatik idluartotongmetta, Gude nellagor-tovok idluinekaranelo sumiglonet, idluartovok ajung-itovarlo heiligeolarmelo. 5 Mos. xxxii. 4. 1 Petr. iii. 12. Rom. ii. 6.

*i.* Næglingniovok, imaipok: pitsiarpok, saimarsailu-nelo, napkigosuktotovok kennuêsarlarmelo. 1 Joh. iv. 16.

Nalegak pitsiadlarmet nungutaungilagut, tapsoma napkigosungninga naggatekangilak sulle, kaut tamale nutauvok, nertornarningalo angidlarpok. Klagl. iii. 22, 23.

Nalegak, Nalegak Gude napkigosuktotolarmelo, saimarsaijotovok, kennuêlunelo, angijomiglo saimar-saijotovok nertornarlunelo, kinguvarêt tausendit kin-gorlerêt napkigiveit, idluitullinerillo tappatonerillo ajornerillo issumagijungnêrpeit. 2 Mos. xxxiv. 6, 7.



k. Nertornartovok nellagôrtovorlonet. Img. xxxiii.  
4.

Gude innuktut sæglojotut-ingilak, innub kittorng-angatullonet kakkialertotut, sumik itsenginivok. Tamna sumik okausekarungnarka piniarutiginaolo? Tamna sumik okarungnarka mallingnagolo? 4 Mos. xxiii. 19.

3. Gude sakkerpoktauk uvaptingnut piniarnermigut, imagle:

a. Piniarnermigut pingortitsinerme tamaitaksoarnik. Ebr. xi. 3. 1 Mos. i. 1. etc.

b. Piniarnermigut pattangaititsinerme aulatsinermelo, pairksinermelo tamaitaksoarnik, Engelillo kivgarilugit attorpeit tamakkonunga.

Patangaititsininganik okalajut:

1 Mos. viii. 22. Matth. v. 45. Apost. pin. xiv. 17. (Img. civ. 14. cxlv. 15, 16. cxlvii. 8, 9. Matth. vi. 26—30.)

Aulatsininganik okalajut:

Rom. xiv. 8. Matth. x. 29, 31.

Innub omættinga pinasuaralloarpok apkotiksaminik, Nalekable kissime aulatsinerminut arvertarungnartipa. Spr. xvi. 9.

Nalegak aklutitsivok akluititsilarmelo, nellopkotititsivok nertornartitsivorlo. 1 Sam. ii. 7.

Iglugaseksoarne ogguanartokarkatauk, Nalekab piniarneringitanganit. Amos iii. 6. Img. xlvi. 9, 10. 1 Mos. i. 20.

Engelit Kivgartorninginik okalajut:

Millionit kivgartorpæt, 100 millionillo nængerput tapsoma sangane. Dan. vii. 10. Img. ciii. 20. Ebr. i. 14. (Img. xxxiv. 8. xci. 11, 12. Dan. vi. 22. Apost. pin. v. 19. x. 3. xii. 7.) Matth. xviii. 10. (1 Mos. xxi. 17.

c. Piniarnermigut sakkerpok innuit illunamassiatik piulijauviksagine. Joh. iii. 16.

## II. *Innub pingortitaukarninget illinganinganik katteksimmaninganiglo.*

1. Innûk sivorlerpâk Gudemut pingortitaukârtuk Gudib adsinganik attimmalaukpuk. Illinganingæk pingortitautainarlutik adsiulaukpok Gudemut, imai-pok : heiligeolaukpok pilloringnadlartolarmelo. (Illinganiolaukpok passijeksaungitok.) 1 Mos. i. 26, 27. (Kap. 2 lo.)

Gudib innuk pingortilaukpa innotsemut naksaungitomut, sennalaukpalo adsiminik, adsigitidlugo ingminut. Sap. ii. 23.

2. Tapkoale heiligeonermik pilloringnartomiglo tamattominga assiojilaukpuk tappatonermingnut Gudemut; kuglugiabile (Teufelib Satanasib Annernerub idluitaksojub) uiverilaukpak tamattomunga. Rom. v. 12. 19. 2 Kor. xi. 3. Joh. viii. 44.

Satanasib annerudsininganut tokko tikkilaukpok sillaksoarmut. Sap. ii. 24. (ama 1 Mos. iii. 1—7.)

3. Taimanget innuit illunamassiatik ajortoliksolerput, ingmingniglo ajortoliksogamik kissianeungitok, imai-pok : ikligungmetta idluitomut, kunnungmettalo ajungitomut, idluitullimarikpulletauk, imaipok : idluitomik piniarput, ajungitomigle piniængilet. (Tamedsa ajornerub illinganinga.) Rom. iii. 23. Joh. iii. 6. 1 Mos. viii. 21. Jak. i. 14, 15. 1 Joh. i. 10. Jak. iv. 17.

4. Sorlo innûk sivorlerpâk, taimaktauk innuit illunamassiatik Gudib ningausinganik pitlarnigutiksanganiglo akkiniarteksauvut, illunamassiatik ajortullilauramik. Rom. i. 18. Img. v. 5. (ama 1 Mos. iii. 16—19.)

5. Ajornerub pitlartauniksanga tokkomik taijauvok, tamattoma timib tokkoninga, ogguanartullo sunatuinait innotsib kalliningane kissetaungitut tukkigiveit, angiluartomigle kappianartoksoak omame, innotseme tamattomane pijomârtomelo. Rom. vi. 23. v. 12.

Idluarsainerub nunakattigêt angijorortipeit, idluitulineruble innuit asserorpeit. Sap. xiv. 34. Jak. i 15. Jes. lvii. 21. lix. 2. 2 Tess. i. 9.



### III. *Innuït Kittorngarêt ajortoliksojut piulijauninginik.*

1. Gude pijomalaungilak innuït asserorsimmatsainar-ninginik ajorningit pivlugit, piulijaukovlugille.

Sorlo innogama, Nalegak Nalegak okarpok: Gudekangitub (ajortullijub) tokkunga kuviagingitara, Gudekangitorle sagiarkovlugo innoserivalauktaminit, innokovlugolo. Ezech. xxxiii. 11.

2. Tamanna pivlugo tamna piuliklernermit tapkoninga kajusimmalaukpok issokangitomit, tungagullo Profetekut tamanna angerutigilaukpa, kingorlermiglo piniarutigimarilaukpa Jesuse Kristusekut, tamna sillaksoarmut tikkilaungmet ajortoliksuit piulijartorlugit Efes. i. 4. 1 Mos. iii. 15. Joh. xii. 31. Luk. xxiv. 44. 1 Tim. i. 15. Luk. xix. 10. 1 Joh. iv. 9.

3. Jesus Kristus Gudib ernetuariva, Gudioningalo adsigimarikpa. Joh. i. 14. vi. 69. x. 30. xiv. 9, 10. Ebr. i. 3.

4. Gudib erninget innub adsinga attilaukpa, miksekartomiglo innungorlaukpok. Joh. i. 14. Ebr. ii. 14. Filip. ii. 6, 7.

5. Jesus Kristus Annernermut heiligemut kaitaumavok (Annernerub heiligub piniarninganut), uigasumullo Mariamut erniangovlune. Jes. vii. 14. Luk. i. 35. Jes. ix. 6. Gal. iv. 4. Luk. ii. 6, 7.

6. Nutarârsuk uvlut sittamaujoenne kirpijavok, Jesusemiglo atserartauvlune. Luk. ii. 21. Matth. i. 21.

7. Jesuse nutarârsutillugo piniarniolauktut imaiput: Tapsoma atauninga Tempelemut (Luk. ii. 22—40), tikkitauningalo illissimmajunnut unanget tikkitunnut, kemmaningalo Egiptenmut. Matth. ii.

8. Jahrima 30 oninget tikkilugo, Jesuse innungnut kaujimmajaunane nunakalaukpok Nazareteme. Luk. ii. 40. ii. 52. (v. 41—52.) Luk. ii. 51. Mark vi. 3.

9. Jahrima 30 oningane Johannesemut baptiterijomut baptitaulaukpok (Luk. iii. 21.) taipsomanelo opinartoksôjck tapsoma Ernioninga Gudemut kaujijautitauvok. (Matth. iii. 13—17.)

10. Baptitaumalerame Satanasib oktorlungningit salagilaukpeit, igsageksakarniptingnut mannigortauniksaptingnullo. Ebr. iv. 15.

11. Mattoma kingorngane ajochertuijartorlune pigialerpok, Jahrilla pingasut navlugit arvertarlaukpok nunab illunangane, akludlarlune nikkanasarlarmelo illinniartine illagilugit. Luk. ix. 58. 2 Kor. viii. 9. (Jesusib illinniartinginik. Matth. x. Luk. x. 1—22. Luk. viii. 1—3.)

12. Nelliutome tamattomane tapsoma innuit Gudib pijomajanganik piulijauviksakarkovlugit kaujititsiarlaukpeit. Luk. iv. 18. Ebr. ii. 3. (Matth. 5—7. Okalaninginik kakkame—Adsiujunnik.)

13. Taimaktauk tattamnartullilaukpok unnuktunnik, tamakkonuna ajungitullijotut ikkajortotullo sakkertipok, tillijauninelo Gudemut nellonarungnêrtidlugo. Matth. xi. 5. Apost. pin. x. 38. Matth. viii. 27. Joh. v. 36.

14. Jesuse innoserminut heiligeojomut nuname igsageksamik kemmailaukpok uvaptingnut. Img. xl. 8, 9. Joh. iv. 34. viii. 46. 1 Petr. ii. 21. Filip. ii. 5. 1 Joh. ii. 6.

15. Jesuse tarnimigut timimigullo anianarnerpângojomik, tokkonermiglo kejungme senningajolingme tukisilaukpok, pijomajaminut næglingnermut innungnik, ajortoliksiullo piulijauviksakarkovlugit. Matth. xxvi. 37, 38. Luk. xxii. 44. Joh. xix. 5. Luk. xxiii. 46. Joh. x. 18. (Matth. xxvi. 53.) Joh. xv. 13. Rom. v. 8. Jes. liii. 5. 1 Petr. iii. 18. ii. 22, 24. 2 Kor. v. 21. Jes. liii. 10.

16. Tokkojarêrmet illuvertauvok. Matth. xxvii. 57—60. Joh. xix. 38—42.

17. Jesuse Kristuse tokkungajunnit makkititauvok Atatab ussornarnarninganut (Rom. vi. 4.) uvluglo pingajuængne makkisimmavok. Img. xvi. 10. Rom. iv. 25. 1 Kor. xv. 20.

18. Uvlunne 40 gine makkivingme kingorngane Jesuse omarsimmavlune sakkerkattarlaukpok illinniartiminut. Apost. pin. i. 3. Joh. xx. 19. 20.

19. Jesuse Kristuse kongmuarlaukpok killangmut, iksivavorlo Gudib tallerplane. Img. cx. 1. Luk. xxiv. 50, 51. Apost. pin. i. 9—11. 1 Petr. iii. 32. Ebr. i. 3. Rom. viii. 34.

---

#### IV. *Atatamik, Ernermiglo Annernermiglo heiligemik.*

1. Gudeingminiksakkertilaukpok Jesuse Kristusekut uvaptingnut, sorlo Atata, Ernerlo Annernerlo heiligeojok. Matth. iii. 16, 17. xxviii. 19. 2 Kor. xiii. 13. 1 Petr. i. 1, 2.

2. Sakkertitauninga tamedsa okpertut illagêningita ajochertortauniksanget heiligeojomik pingasolijomik taijauvok.

##### A. GUDEMIK ATATAMIK.

1. Jesusib Kristusib Gude sakkertilaukpa uvaptingnut Atatametut Atataptitulo. Matth. xi. 27. Joh. xx. 17.

2. Gude Atatauvok innungnut tamainut, piluartomigle Atatauvok tapkonunga, okpertunnut Jesuse Kristusemut, tamanna pivlugo Gudib kittornganginik taijauvut. Illunamassiata attautsemik Atatakangilagit? Illunamassiata Gudib attautsib pingortilaungilagit? Mal. ii. 10. Joh. i. 12. Gal. iii. 26. Joh. iii. 1.

3. Okpertut Gudib Atatab næglingninga tukkisivættau, tapsoma pattangaitimagit ajoksarkonnagit timingita kalliningittigut sillaksoarme; piluartomigle tarningit pattangaitimagit, kajusimmanerminut piuliklernerminut piulijaukovlugit issokangitomut. Matth. vi. 31, 32. tæk. v. 26—30. Matth. x. 29—31. Efes. i. 3. Rom. viii. 32.

##### B. GUDEMIK ERNERMIK.

1. Jesus Kristus Gudib Erninga (3. iii.) miksekar-tovlune Gudeovok. Joh. i. 1. Rom. ix. 5. 1 Tim. iii. 16.



2. Tamanna pivlugo tapsomatauk Gudib illinganin-  
git piniarningillo nangmineringmagit okautigijauvok  
aglangne heiligene. Ebr. xiii. 8. Joh. xvi. 30. (ii. 25.  
xxi. 17.) v. 17. 19. i. 3. Kalos. i. 16. 17. Ebr. i. 3.

3. Piluartomik piuliklermaringniue piniarutigilauk-  
pa, tamattomuna apkosarpatigut ullapirksarpatigullo  
Gudemut, (Gudib saugarsungauvok ajochertuinero-  
jolarmelo.) Efes. i. 7. Matth. xx. 28. 1 Tim. ii. 5, 6.  
Rom. v. 10. 2 Kor. v. 19. 1 Joh. ii. 2. Joh. i. 29.  
1 Petr. i. 18, 19. Ebr. vii. 26, 27.

4. Jesuse Kristuse tuksiarutigivavut mana Gudib  
Atatab sangane. 1 Joh. ii. 1. Ebr. vii. 25.

5 Jesus Kristus pingortitigigaptigo piulijigigaptigolo  
Nalegarivavut, tamna opigidlarlugo naletsiarlugolo  
pijuksauvogut. 1 Kor. viii. 6. Rom. xiv. 9. Joh. v. 23.  
Filip. ii. 10, 11. 2 Kor. v. 15.

#### C. GUDEMIK ANNERNERMİK HEILIGEMIK.

1. Annernek heiligeojok miksekartomik Gudeovok,  
Atata, Ennerlo illaliudlugik. 1 Kor. iii. 16. Apost. pin.  
v. 3, 4.

2. Tamanna pivlugo tapsomatauk Gudib illinga-  
ningit piniarningillo nangmineringmagit okautigijauvok  
aglangne heiligene. 1 Kor. ii. 10, 11. xii. 11. ama v.  
8—10.

3. Piluartomik tapsoma piniarninga imaipok : Kris-  
tusib piuliklermaringninganik innuit kaujititsiarlugit,  
okpertungortilugillo, tamattominga illangiutititaujung-  
narkovlugit, Joh. xv. 26. xvi. 8, 9—11. 1 Kor. xii. 3.

4. Okpertut innigiveit ajochertorlugit, tessiorlugillo,  
mannigorlugillo, tapkoale tapsoma aulatsininga nale-  
geksarivæt. 1 Kor. vi. 19. Joh. xvi. 13. Rom. viii. 14.  
Joh. xiv. 16, 17. Rom. viii. 26. Efes. iv. 30.

---

#### V. Pilloriktitaunermik okpernermut Kristusemut.

1. Innuit ajortoliksuit ajorningit issumagijaujungnêr-  
niængipetta pilloreutiksakangilet, ajorningille issuma-

gijaujungnêrpetta, tagva innotsemik pilloringnartomiglo piksarsivut. Img. cxxx. 3. xxxii. 1, 2. (Rom. iv. 7.) Matth. ix. 2.

2. Pilloreutiksak tamanna ajornerit issumagijaujungnêrningænnetak, Jesusib Kristusib piniarutigilaukpa tokkomigut, innungnut tamainut. Matth. xxvi. 28. Ebræ. x. 12—14.

3. Nellagulle (pilloreutiksamik) tamattominga, innuit illangiutisivut okpernekut kissiagut. Tamanna pivlugo Gudib pijomajanga imaipok : innuit okpertuksauvut Jesuse Kristusemut, okpernermullo tapsomunga innotsemik naksauungitamik pekaromârput. Ebr. xi. 6. Rom. iv. 5. Joh. vi. 40. 1 Joh. iii. 23. Mark xvi. 16.

4. Innugle okpertungortitaujungnarkovlugo okautsinnik tussarnertunnik Jesuse Kristusemik okalajunnik tussajuksauvok. Rom. x. 14—17. i. 16.

5. Okalanermut okautsinnik tussarnertunnik innuk illitarksititaulerpok ikpigititaulerporlo ajortomut illinganerme kappianartolininganik ; taimaktauk kakkialerneramik, tussunermiglo issumagijaujungnêrnermut ajortunnit (sagiarnermik issumaillo ablatsauninginnik) illangiutititauvok. Apost. pin. ii. 37. taimaktauk Luk. xv. 21. xviii. 13. Rom. vii. 24. 2 Kor. vii. 10. Luk. xxiv. 46, 47. tæk. Matth. iv. 17.

6. Issumait ablatsauningit mulliktauvut okpernermut, imaipok : omættimne kaujititaumarikama Jesuse piuliklertetongmet sillaksoarmiunnik kissêniungitok, tamnale uvangatauk piulijigigapko, piniarnikkalo pijutiginagit tapsoma aungale tokkungalo pivlugik, issumagijaujungnêrnermik ajornernit illangiutititaujungnarama. Ebr. xi. 1. Joh. iii. 14, 15. Apost. pin. xvi. 30, 31. Luk. xxiii. 42, 43. Rom. iii. 24, 25.

7. Tagva okpernermut issumangnarungnêrtomik ajornernit (idluarsititaunermik) ullapirksaumiglo Gudemut pigivogut. Apost. pin. x. 43. Rom. v. 1. xiv. 17.

8. Okpernermut kittorngaulerpogut Gudemut (IV. A. 2.) kingormgujilerpogullo innotsemik naksauungitamik. Rom. viii. 16, 17. Joh. iii. 36.

9. Ablatsaunek innub illuane tamedsa, sagiarnermik (utthernermik) Gudemut Luk. xv. 18. ubvalo erniangupsarnermik (innotsib nutab pigiarninganik) Gal. ii. 20. taijaulerpok. Apost. pin. xxvi. 17, 18. xx. 21. Joh. iii. 3. (Tit. iii. 5.)

10. Innub sagiarnine nangminek piniarneringila, Gudible napkinenginget piniarneriva.

Igvit sagiartilaunga, tagva sagiartitaulerpunga : igvit Nalegak Gudigigapkit. Jer. xxxi. 18.

Joh. vi. 44. taimaktauk v. 65. Efes. ii. 8. Kol. ii. 12. taimaktauk Matth. xvi. 17. Apost. pin. xvi. 14. Gal. i. 15, 16.

## VI. *Okpernerub piniarnekarnginnik, ubvalo ivsornailinermik.*

1. Okpernek nellagortok omartovlune ubvalo piniarnekarlune okperniovok. Gal. v. 6. Jak. ii. 26. taimaktauk v. 14.

2. Tamannatauk Gudib pijomajanga, tapkoa Jesuse Kristusemut okpertut ivsornailinermik pinasuarkovlugit. 1 Tess. iv. 3. 1 Petr. i. 15. Ebr. xii. 14. Matth. v. 3.

3. Ivsornailinerub illinganinga imaipok : epkejar-tuksauvogut ajornernit tomainit, imaipok : ajortok attannerinago, ajungitunnullo tamainut pigannitsainarluta. Tit. ii. 14. v. 11, 12. 2 Kor. vii. 1. tæk. Rom, vi. 12. 2 Petr. iii. 18.

4. Okpertuttauk ajornernik najortekarmetta, ajortoliksovullo sokkoseratik innosingita nâningit tikkilugit. 1 Joh. i. 8. Ebr. xii. 1.

5. Sillaksublo Satanasiblo ôktorlungningit agviarutiksariveittauk ivsornailinek pivlugo. Joh. xvii. 11. 15. 1 Joh. ii. 16. Luk. xxii. 31. 1 Petr. v. 8, 9.

6. Agviarutikset tapkoa salagijeksarigaptigik ivsornailinerimelo pigannertuksaugapta, tagva Gudib ikkajorninganik illangiutijuksauvogut, taimaimello pitsar-



tuniptingnut nangminerijaptingnut ivsornaititaujung-nangilagut. Fil. ii. 13. i. 6. 1 Kor. i. 30. Joh. xv. 1, 2.

7. Tamanna pivlugo nangminiptingnik udsertoria-kartogut kissianeungitok, tuksiarnermullotauk uvlut tamaita illagêgnivut Gudemut Piuilijiptingnut sokko-sertailijariakarpavut. 1 Kor. x. 12. (tæk. Matth. v. 29, 30.) Matth. xxvi. 41. Joh. xv. 4, 5. 1 Joh. ii. 28.

## VII. *Gudib perkojanginnik.*

Ivsornailinermik (VI. 3.) pinasuarupta, tamattomunga Gudib perkojangittauk mallikpavut, malligeksakarnivullonêt piniarutigivavut. Malligekselle Gudib perkojangeine okautauhavut uvaptingnut pingasulimavut.

1. Malligekset illiornivut pivlugit Gudemut ;
2. Malligekset innukattivut pijutigællugit ;
3. Malligekset nangminivut pijutigællugit.

### A. MALLIGEKSSET ILLIORNIVUT PIVLUGIT GUDEMUT.

1. Malligeksakarnivut illunatik illiornivut pivlugit Gudemut illagêksimmavut perkojame tapsomanetuinak, Gudemik nægliktuksaugapta. 5 Mos. vi. 5. tæk. Mark xii. 29, 30. 1 Kor. xvi. 22.

2. Næglingnivut Gudemut tamedsa pingortitaulerpok tukkisititauniptingnut næglingninganik uvaptingnik. 1 Joh. iv. 10, 20. Rom. v. 5.

3. Næglingnek tamedsa nellagôrmarikpok, illakatsengitorlo, okpernermullo illagêksimmavok avititaujungnangitomik. 1 Tim. i. 5. 1 Joh. ii. 15. tæk. Matth. vi. 24. 2 Tim. i. 13.

4. Næglingnerub nellagôrmariktub Gudemut sak-kerninga imaipok :

a. Opigosungnek tapsominga (nalengnek Gudemik) erkaumajeksaritsainaraptigo. Img. cxi. 10. Apost. pin. ix. 31. 1 Mos. xxxix. 9.

Perkojet sivorlerpânget, aipangello, pingajuello. 2 Mos. xx. 3—11. 1 Joh. v. 3. tæk. Joh. xv. 10.

*b.* Kujalinekartuksaugapta tapsomunga omættiþtingne, tamattomingalo okausþþtingnut piniarnþþþingnullo sakkertitsikovluta. 1 Tess. v. 18. Efes. v. 20. tæk. Luk. xvii. 11—19. Img. i. 23. Kol. iii. 17.

*c.* Kalliniþþigullo tettekatsainarkovluta tapsomunga, taimaimello siarklernemaringmik nerkikset þivlugit, torkuinnermiglo ubvalo þþjomatsainarnermiglo allaiþþuk-sauvogut. Ebr. x. 35. 1 Petr. v. 7. Luk. xxi. 34. tæk. Matth. vi. 27. Ebr. xiii. 5. 1 Tim. vi. 6—10.

*d.* Tapsoma þþjomajanganut þiluartomik anianartokarningane kunnutuinnermut illingakovluta. Rom. ix. 20. Img. xxxvii. 5. 1 Petr. iv. 19. tæk. Matth. xxvi. 53, 54.

*e.* Taimaktauk kollarata tettiksarilugo, katsungaitomiglole, kissianeletauk kunnutuilluta tapsoma þþjomajanganut tuksiarvigijeksarivavut. Tuksiarnerit imaitut tussartaunermik angerviotipeit. Img. xix. 15. Jak. i. 6, 7. Rom. xii. 12. tæk. Luk. xviii. 1—8. xi. 5—13. Matth. xxvi. 39. 1 Joh. v. 14. Matth. vii. 7. Matth. 18. 19.

Tuksiarutsit Atatamut killangmetomut ubvalo Nalekab tuksiarninga. Nautsertorit. Matth. vi. 9—13. Luk. lo. xi. 2—4.

#### B. MALLIGEKSËT INNUKATTIVUT ÞIÞUTIGÆLLUGIT.

1. MalligeksËt illunatik innukattivut þþþutigællugit illagêksimmavut þerkojame attautseme næglingnek þivlugo, tamedsa næglingnerub Gudemut tungagut anginnerþþangongmet þerkojennit tamainit. Matth. xxii. 37—40. Jak. ii. 8.

2. Okþertut næglikþþigêninget, kattangutigêþ næglikþþigêningænnik taiþauvok. Matth. xxiii. 8. 2 Petr. i. 7. Joh. xiii. 34. 35. tæk. 1 Joh. iii. 16. iv. 7. 11, 12, 20, 21.

3. Okþertulle kattangutitik kissetaungitut, innuille tamaita omigijitiktak nægligijeksariveit omamut. (Næglingniovok illunainik.) 2 Pet. i. 7. 1 Tess. iii. 12. Matth. v. 44. Rom. xii. 20. Luk. xxiii. 34. Apost. þin. vii. 59.

4. Annerosujuksaunata kina angiluartomik nægli-gijeksaungmangæt (1 Joh. iii. 18.) udsertortuksauvogut innukattivut nelliellonêt illumigut kallinermigulonêt pijeksaungitomot tikkitauskonnago, tapsomale kannoêngininga illuagut kalliningagullo pigannerkojimumut piniarutiginiarasuarlugo. Rom. xiii. 10.

Perkojet tellimangænnit tellimaujortunget tikkilugo. 2 Mos. xx. 13—17. nauts. Matth. v. 21. &c. 1 Kor. x. 24. tæk. 1 Kor. xiii. 4—7.

5. Tamanna pfluartomik sakkertipavut;

a. Ulloreasukupta igsageksalungmik sakkertitsikonata assiptionut, igsageksatsiarmigle arvertarniptingnut sakkertitsikupta tapkonunga. 1 Kor. x. 32. Matth. xviii. 7. taimaktauk v. 6. Matth. v. 16. 1 Pet. ii. 12.

b. Pinasuatsainarufta nellagôrnermik takkomorjuinermiglo. Efes. iv. 25. Jak. iv. 11.

c. Idluarsainermik nellagôrnermiglo, sakkertitsigupta innungnut illunainut. 1 Tess. iv. 6. Ef. iv. 28.

d. Ullapirksautiksarsigupta innungnut illunainut. (Ullapirksainek tagva.) Rom. xii. 18. Matth. v. 9.

e. Innukattivut kivgartoromalugo, ikkajoromalugolo, ajungitullivigijomalugolo pigupta. (Kivgartornek kunnutuinnermut tagva.) 1 Petr. iv. 10. Gal. vi. 10. nauts. Luk. x. 29—37.

f. Nægligosukluta takopsoaklutalo, kuviasumullo pil-litsiluta aklujunnik pigupta. (Ajungitullinek tagva.) Rom. xii. 15. Luk. vi. 36. Apost. pin. xx. 35. 1 Joh. iii. 17. nauts. 1 Tim. vi. 17—19. Jak. ii. 15. 16.

g. Ningarosujuimaringnermik, piojorijuimaringnermiglo, passiklinginermiglo issumangnarungnêrtomiglo sakkertitsigupta. Matth. xi. 29. tæk. Filip. ii. 5—7. Matth. v. 5. Filip. ii. 3. Luk. vi. 37. taimaktauk v. 41, 42. Matth. vi. 14, 15. Efes. iv. 32. (Kol. iii. 12, 13.)

h. Innukattivuttauk tuksiarutigiguptigik. (Tuksiarutsinek tagva.) Efes. vi. 18. 1 Tim. ii. 1.

6. Malligekset illunainut illingajut innukattivut pijutigællugit makkoa sivorlerilugit, malligekset ingmigo-lingajuttauk sulle kamagijeksarivavut, tamakkoa ing-



mikôrtartut adsigêngininginnut innuit akkorngane illingangmetta.

Tamakkonunga illingavut :

*a.* Nunakattigêt malligeksangit attannerijatik pijutigællugit. Rom. xiii. 1, 2. taimaktauk *v.* 3—7. Matth. xxii. 21. Apost. pin. *v.* 29.

*b.* Nulliarêt malligeksangit. Efes. *v.* 25. Efes. *v.* 22—24. tæk. 1 Pet. iii. 1—7.

*c.* Atatait ananaillo sorrutsillo malligeksangit. Efes. *vi.* 4. *vi.* 1—3. Perkojet sittamanget. Matth. *x.* 37.

*d.* Angajokait kivgello malligeksangit. Kol. *iv.* 1. iii. 22—24. tæk. 1 Pet. *ii.* 18.

#### C. MALLIGEKSSET NANGMINIVUT PIJUTIGÆLLUGIT.

1. Tarnivut timivullo kamagijeksarivavut, Gudib perkutingititut, tamannalo pijutigællugo piniarnivut nautsertoreksarivavut. 1 Kor. *vi.* 19, 20.

2. Timib kanoêngitsiarninga kamatsiarnermut udser-tornermullo nerkiksaptingnik pigannertiteksarivavut.

Kittorngara nautsertorit suna atsuilinarmanget timingnut, ulloreasugillo atsuilinangitomik tapsomunga, taimaitomik tunnitsiviginiarnago. Sir. xxxvii. 30. tæk. Tim. *v.* 23. Luk. *xxi.* 34. Efes. *v.* 18.

3. Tarnipta kanoêngitsiarningit (sillatunipta omæt-tiptalo kanoêngitsiarningit) pijutigællugit illungertornermut siarklertuksauvogut. Matth. *xvi.* 26. 1 Kor. *xiv.* 20. tæk. Efes. *iv.* 13, 14. Ebr. *xiii.* 9.

4. Timivut tarnivullo kanoêngitsiarkovlugit pijaria-karpok issumaptingnut okausiptingnullo piniarniptingnullo ivsornailerkovluta. 1 Petr. *i.* 22. Rom. *vi.* 12. 1 Tess. *iv.* 4, 5. tæk. Efes. *v.* 3—5.

5. Perkojaunipta piniareksangine nellagortuksauvogut, Gudib perkojanga idluartotojok malliklugo attaruililuta sennajuksauvogut. Luk. *xvi.* 10. *v.* 11, 12. 1 Mos. *ii.* 5. nauts. *iii.* 19. Rom. *xii.* 11. 1 Tess. *iv.* 11, 12. 2 Tess. *iii.* 10.

Malligeksavut illunatik pivlugit okautsit aglaksim-majut tapkoa kamagijeksarivavut. Filip. iv. 8, 9. Gal. v. 19—22. 1 Tess. v. 23. Ebr. xiii. 20, 21.

VIII. *Jesusib Kristusib illagêktokotinginnik, ubvalo okpertokotingita illagêninginnik.*

1. Jesusib Kristusib illagêktokotingit nellagôrtut, tapkonungale okpertomarit kissimik okpernermut Jesusemut pilloriktitaumajut (V.) næglingnermullo tapsom-inga perkojanginnik mallitsiartut illingavut (VI. VII.), taipkoningale illagêktokangilak nuname nanelonêt illa-karatik ivsornaitissimangitunnik idluangitunniglo; tai-maimet, tapkoa illagêktunnik tækkuksaungitunnik taijauvut. Nauts. adsiujut Matth. xiii. 24—30. 47—49.

2. Jesusib Kristusib illagêktokotinginnut illunainut, ubvalo illagêktunnut tækkuksaujunnut innuit illunaita nunenne illunaine, nunakattigênelo illunaine, okaut-sinnik tussarnertunnik Jesusemik okalajunnik illel-liorlauktut illingavut, tamanna pijutigællugolo Kristu-sekunnik (Apost. pin. xi. 26.) taijauvut. Illagêktulle nellagôrmariktut ubvalo tækkuksaungitut taipkoa ak-kornganeput, tamanna pivlugo ivsornaitissimmajunnik taijauvuttauk. Gal. iii. 28. Efes. iv. 4—6. 1 Petr. ii. 9. Rom. xi. 6.

3. Jesus Kristus miksekartomik niakojotovok (Kö-nigeojotovok, Nalegaujotolarmelo pairsijotovok) illa-gêktokotiminut, tapkoalo timigiveit (nalegaviovigiveit iglogiveillo kattimmajokotigilaitalo). Efes. i. 22, 23. v. 23. iv. 15, 16. Kol. i. 13. Joh. xviii. 36, 37. 1 Tim. iii. 15. tæk. Efes. ii. 20. 1 Petr. ii. 25. v. 4. Joh. x. 16.

4. Illagêktut ajochertortingit angajokangillo Jesusib kivgariveit, tapsomungalo kaikojauvut okalakovlugit ajochertusinginnik, udsertorkovlugillo makkoa mallik-taukovlugit, nangminerlo igsageksauvut illagêktunnut. Efes. iv. 11, 12. 1 Kor. xii. 28. Rom. xii. 7, 8. Apost. pin. xx. 28. 1 Petr. v. 1—3.

5. Illagêktunnut illingajut illunatik ajochertortimingnut angajokamingnullo næglingnarmik ikkajornermiglo (kunnutuilutik) naletsiarnermiglo akkiniartuksauvut. 1 Tess. v. 12, 13. 1 Tim. v. 17. Ebr. xiii. 17.

6. Jesusib Kristusib illagêktokotingine nunet illunaksoangene kattimmaniksennik pekartuksauvok, nekoksijaukattigêkovlugit, tussarviksakartone Gudib okausinginnik Sakramentillo attortautillugit, tuksiarnekarninganelo, tuksiarutsillo imgerutigijautillugit.

Kamagijeksakarpok imak: Sontage (Nalekab uvlunga, Tækko. i. 10.) piluartomik okpertokattigêt illagêningine tamakkonunga illingatitaungmet, Jesusib Kristusib makkininga tokkungajunnit erkaumajaukovlugo, uvlok tamna namaktomik attoreksauvoktauk tamakkonunga kattimmaniksennut. Matth. xviii. 20. Apost. pin. ii. 42, 46. Ebr. x. 25. Kol. iii. 16. Juda. v. 20.

7. Okpertokattigêt illagêningita akkornganit okautsit tussarnertut ateksauvut nunakattigênut okpingitunnut. Mark xvi. 15. Matth. xxviii. 18, 19, 20. 1 Petr. ii. 9.

8. Okpertokattigêt illagêningita piniarnerilauktangita illainangit pigiarnerit okautauniarput.

a. Okpertokattigêt sivorlerpæt illagêktitaulaukput Jerusaleme Pentekostib uvlungane, tamattoma Kingornganelo Judinit. Apost. pin. 2.

b. Okautsit tussarnertut ataulaukput nellojut nunanginnut sivurlerpamik Paulusemut. Apost. pin. 9, etc.

c. Okpertut unangmijaulaukput sivurlerpamik Judinut (Ap. pin. 7, 8.) Kingornganetauk nellojunnut, angiluartomik Romiut nunangine; tamattomunga okpertokattigêt illagêningit anianartoliksojotitut, sakkerput. Matth. xvi. 24. Apost. pin. xiv. 22. 2 Tim. iii. 12. 2 Kor. xi. 23—27. Ebr. xi. 36—38.

9. Kristusib illagêktokotingita piniarvionerilauktangit tamakkoa assingillo ullernairuptigik tukkissivogut, illagêktut tapkoa nangminek piniarnerilaungmagit, tapsomalo nungutaukojomatsengileit. Matth. xvi. 18. Matth. xxviii. 18, 20. Apost. pin. v. 38, 39.



IX. *Baptijumik heiligemik.*

1. Illelliornek Kristusib okpertokotingita illagêninginut sakkerpok Baptijutekut heiligekut, tamedsa Jesusib Kristusib nangminek illilaukpa. Matth. xxviii. 19. Ap. pin. ii. 41.

2. Baptijut illelliorniovok Kristusib okpertokotingita illagêninginut tækkusaujunnut, tamakkonungale kissianeungitok, angersimmanermulletauk Gudemut. 1 Pet. iii. 21. Mark xvi. 16. Joh. iii. 5.

3. Baptijutekut baptitekset issumangnerungnêrtomik ajornermingnit angerviomarikput Jesusib tokkunga aungalo pivlugik. Apost. pin. ii. 38. xxii. 16. Efes. v. 25. 26. Tækko. i. 5.

4. Tapkoa baptijutekut illagênermik Atatamut, Ernermullo Annernermullo heiligemut angerviomarikputauk, imaipok; illelliortaujomârnermingnik kuvianartovingmut. Gal. iii. 26, 27. Tit. iii. 5, 6.

5. Tamanna pijutigællugo angermariktuksavut ajortut attoromêrlugit (innovigijungnêrlugit), okpertutullo nellagôrtotitut innojomavlutik. Rom. vi. 3, 4. Kol. ii. 12. Gal. ii. 20. Efes. iv. 22—24.

X. *Kommunionemik heiligemik.*

1. Jesus Kristus nangminek Kommunionemik heiligemik illijilaukpok. Matth. xxvi. 26—28. Mark xiv. 22—24. Luk. xxii. 19, 20. 1 Kor. xi. 23—25.

2. Taimaimet Kommunionemik heiligeojok illijauvok opigosumut Jesuse Kristuse erkaumajaukovlugo, pilu-artomiglo tapsoma tokkunga. Nauts. 1. 1 Kor. xi. 26.

3. Tamattomaneletauk kakkojamik Weinemiglo nerrilerupta immeruptalo Jesusib Kristusib timinga aungalo illalliudlugik pigivavut. Nauts. 1. 1 Kor. x. 16.

4. Taimaimet aitortortaunermut kommunionemik heiligemik okpertut anginerpângojomik illagêktitaulerput

Jesuse Kristusemut, nekoksitiksamingnut okpernerme næglingnermelo. Joh. vi. 56. v. 53. xv. 4, 5.

5. Taimaktauk Kommunionemut heiligemut okpertut Kattangutigêningit illagêningillo avitaujungnangitut ingmingnut næglingnerme sokkosijuititavut. 1 Kor. x. 17. Joh. xvii. 21.

6. Taimaktauk tamattomuna innotsemik naksaungitotomik makkiviksamiglo kuvianartomik nutami kangerviovogut. Joh. vi. 54.

7. Kissianele idluarsiluta (piniarnekk tamanna opigitsiarlugo) Kommunionemut heiligeojok attulerangaptigo, tamattoma malliktinginik angerutigijanginiglo illangiutititaujungnarpogut. 1 Kor. ii. 29. v. 27. 20—22.

8. Idluarsinartomigle aitortortaujungnarkovluta Kommunionemut heiligemut koksesungnermut nau-tsertortuksavogut kiglissinniartuksavulutalo nangmi-niptingnik illaukarata tamattomunga. 1 Kor. xi. 28. v. 31. 2 Kor. xiii. 5. Img. cxxxix. 23, 24. Img. xix. 13.

# XI. *Okpertut tokkoningænnik angerarningænniglo Nalekamut.*

1. Innuit attausiardlutik tokkojuksavut. Ebr. ix. 27. Rom. v. 12.

2. Tokko avisimmaniovok timib aiparêninganit tar-nemut nunametillugik, mattoma tungagut time assero-lerpok, tarnele tokkosuitok innotsainarpok.

Sannik ivsomut ama tikkituksaugivok sorlo pigiar-ninganit ilaurame, annernerlo ama Gudemut pijuksau-vok tapsominga tunnijilauktomut. Pred. xii. 7. Matth. x. 28. Luk. xx. 38. 2 Tim. i. 10.

3. Okpertut tarnigut Kristusemetsomârput. Luk. xxiii. 43. Ap. pin. vii. 58. Fil. i. 23. Ebr. xii. 23.

4. Tokko piksakautiksato-vok okpertunnut. Fil. i. 21. Rom. xiv. 8. 2 Kor. v. 8. Luk. ii. 29.

*XII. Jesusib Kristusib tikkipsalarninganik tokkungajut makkivihsangenut, sillaksoarmiullo erkartortauvihsangenut.*

1. Jesuse Kristuse tækkuksaulune tikkipsaromari-vok nunamut nelliutik pet. Luk. xxi. 25, 27. Apost. pin. i. 11. Filip. iii. 20.

2. Nelliuninganik Stundinganiglo kaujimajokangilak, suilaptingnille tikkitsomârpok. Mark. xiii. 32. Matth. xxiv. 44. 2 Petr. iii. 8, 9, 10.

3. Taimailerpet tokkungajut illunatik Jesuse Kristusemut omartitauniarput, makkiniarpullo. Joh. xi. 25. vi. 40. v. 28, 29. Ap. pin. xxiv. 15. Tækko. xx. 12, 13. 1 Kor. xv. 22, 24. taimaktauk Rom. viii. 11. 2 Kor. iv. 14.

4. Kristusib tikkitsomârninget nelliuningane sulle innojut ablatsauniarput. 1 Kor. xv. 51. 1 Tess. iv. 15—17.

5. Makkinek (ubvalo ablatsaunek) akiktaumaring-niovok innungmut illunat, tamattomunga annernek timemut nutâmut Killangmiojut adsinganut illagêkti-tauniarpok (attititauniarporlonêt). Filip. iii. 21. 1 Kor. xv. 42, 44, 53. taimaktauk 2 Kor. v. 1—4.

6. Jesusib Kristusib tikkipsaromârvingmine innuit illunamassiata erkartorniarpeit. (Tamedsa sillaksoarmiut erkartortauvihsanget uvlut kingorlerpânget.) Joh. v. 27. Matth. xxv. 31, 32. Apost. pin. x. 42. Rom. ii. 16.

7. Tamma idluarsainermut erkartuijomârpok, illunaitalo nellekardlugit akkiniaromârpeit, piniarnerilauktangit pijutigællugit. Apost. pin. xvii. 31. 2 Kor. xv. 10. tæk. Rom. ii. 6—10. Matth. xxv. 40, 45. Rom. ii. 12. tæk. Luk. xii. 47, 48. Matth. xi. 21—24.

8. Okpertut erkartuivik tokkolo tamarmik nelliarnonêt sivoragijeksaringilæt, sivorajuidlutigle tamanna pachrearungnarpæt. 1 Joh. iv. 18. Joh. v. 24.

9. Akkiniarutiksak pigijomârtanget, napkigijauner-mut akkiniartaujutigivæt. Luk. xvii. 10. tæk. Matth. xxv. 37—39. xx. 1—16.

XIII. *Pilloringnartoksoarmik nungusuitomik kuvianartovingme, anianartoksoarmiglo nungusuitomik, sillaksublo nâninganik.*

1. Innuît makkissimmakpetta, sillaksoarmiullo erkartortaujarêrningeta tungagut, tapkoa pilloringnartoksoarmiglonêt nungusuitomik Kuvianartovingme, anianartoksoarmiglonêt nungusuitomik illangiutititau-niarput. Matth. xxv. 34, 41, 46.

2. Idluartut, imaipok : Illunatik Jesuse Kristusemut okpertut piitaujomârput pilloringnartoksoarmut nungusuitomut, tapkoa ajornernit tokkomillo kappianartunnillo tamainit piulijaumariklutik, Gudib Jesusib Kristusib illagêngninginnut avitaujungnatsennatik piti-taujomârmetta, tapsoma ananauvinganiglo illangiutititaujomârmetta. Tækko. xxi. 4. tæk. vii. 16. 17. Joh. xvii. 24. Kol. iii. 4. tæk. 1 Petr. i. 7—9.

3. Okpingitut (Gudekangitut) imaipok : Illunatik miksekarnermik nokkangatitsênartut idluitullidlarnermut (Rom. i. 18.) okautsinniglo tussarnertunnik tappatojut, tapkoa anianartoksoarmut nungusuitomut aijomârput, tamattoma anilekteradlarninga apsimma-vlutik Gudemit piulijaumajunnillo angerarsimmajunit tamainit uttakkijeksarivæt. Mark. xvi. 16. 2 Tess. i. 7—9. tæk. Mark. ix. 46.

4. Engelittauk ajungitut idluitullo (pingortissimma-jut sillatunekartut illunamassiatik) tamattoma nelliutiningane illunaita illagilugit pilloringnartoksoarmiglonêt Kappianartoksoarmiglonêt illangiutititaujomârput. Ebr. xii. 22, 23. 2 Petr. ii. 4. tæk. Matth. xxv. 41. Tækko. xx. 14.

5. Pingortissimmajuttauk illunamassiatik tækkuk-saujut (Killaglo nunalo) nelliutome taipsomane ablat-sautitaumarigomârput. Tamedsa sillaksub naggatanik taijauvok. Tækko. xxi. 1. 2 Petr. iii. 7. 13. Matth. xxiv. 35.









Ayer  
of M  
55  
277  
347  
1839









AYER

Estudio

-72-

